



Komunikadu Imprensa

22 Novembru 2012

Tribunál Distritál Baucau kontinua aplika pena suspensaun ne'ebé menus liu pena konkreta ba kazu violénsia doméstika

Iha 20 Novembru 2012 Tribunál Distritál Baucau suspende pena prizaun tinan 1 husi pena konkreta tinan 1 ne'ebé tribunál atribui ba kazu krime violénsia doméstika. Kazu ne'e envolve arguidu Roberto Amaral hasoru nia kónjuje Celestina Amaral. Kazu ne'e rejista ho númeru prosesu 96/Crm.S/2012/TDB.

“Bazeia ba observasaun JSMP nian durante tinan barak ona tribunál aplika pena suspensaun ne'ebé menus liu duke pena konkreta ba kazu krime violénsia doméstika. Aplikasaun períodu suspensaun ne'ebé la naruk liu pena konkreta ne'e tuir JSMP nia hanoin la adekuada atu eduka arguidu hodi muda nia atitude iha futuru”, dehan Diretór Eksekutivu Luís de Oliveira Sampaio

Kazu ne'e akontese iha 28 Novembru 2011 iha Aldeia Beobe, Suco Uma Qui'ic Sub-Distritu Viqueque Distritu Viqueque.

Ministériu Públiku akuza arguidu ba kazu krime ofensa ba integridade fízika simples tuir artigu 145 Kódigu Penál konjuga ho artigu 35.(b) Lei Kontra Violénsia Doméstika hasoru nia kónjuje.

Iha julgamentu ne'e tribunál konvensidu katak provadu duni arguidu haksasuk malu ho vítima, nune'é hodi ai baku iha vítima nia kanotak no tuku dala ida iha vítima nia matan fukun ne'ebé kauza vítima sofre bubu iha kanotak no bubu iha matan fukun.

Maibé tanbá arguidu konfesa ba nia hahalok tomak, no hatudu nia sentimentu arependidu nomós sei iha responsabilidade boot ba nia família, ikus mai tribunál konklui hodi aplika pena prizaun tinan 1 no suspende ba tinan 1. Tribunál kondena mós arguidu selu kustas judisiariu US\$20.00.

Dr. Afonso Carmona nu'udar juis singular ne'ebé prejide julgamentu ne'e, Dr. Pascasio de Rosa Alves mak reprezenta Ministériu Públiku no arguidu hatan defeza husi Dr. Gil Amaral advogadu estagiariu.

Atu hetan informasaun kle'an, favor kontaktu:

Luis de Oliveira Sampaio

Director ezekutivu JSMP

Email: luis@jsmp.minihub.org

Landline: +670 3323883 ka +670 7295795